

# Bases Depoaventura a Lanzada 2018 da Deputación de Pontevedra

## Normativa:

**Bases reguladoras do programa Depoaventura A Lanzada 2018** (BOPPO nº 46 do 6/03/2018)

## Obxecto:

Promover e fomentar o desenvolvemento persoal e social das rapazas e rapaces e favorecer a comunicación e o dinamismo multicultural, a través da oferta 2.200 prazas nos campamentos de verán para menores da provincia de Pontevedra.

Este programa lúdico e educativo inclúe a programación e o desenvolvemento de actividades ao aire libre relacionadas coa natureza, a lingua inglesa, a arte, a cultura, o deporte e os xogos, co fin de colaborar na formación da nosa mocidade.

**Información detallada sobre o programa de actividades, quendas e instalacións onde se executará.**

## Destinatarios:

Poderán participar nenas e nenos que cumpran os seguintes requisitos:

- Ter nacido entre 2005 e 2010 (ambos incluídos)
- Estar empadroadas ou empadroados na provincia de Pontevedra.
- Non padecer ningunha enfermidade infectocontaxiosa en fase activa

Poderán participar menores en situación de tutela ou garda pola Administración, que se atopen en acollemento residencial nun centro da provincia de Pontevedra.

No caso de menores que precisen un apoio específico derivado dalgún tipo de diversidade funcional ou doutra patoloxía, esta circunstancia deberá facerse constar no cuestionario de saúde e autonomía persoal, detallando do xeito máis preciso posible as súas necesidades específicas.

## Quendas e prazas

“Depo Aventura” 2018 desenvolverase, entre os meses de xuño e setembro, a través de 11 quendas de campamentos de 7 días de duración cada unha nas seguintes datas:

- Primeira quenda: do 24 ao 30 de xuño
- Segunda quenda: do 1 ao 7 de xullo
- Terceira quenda: do 8 ao 14 de xullo
- Cuarta quenda: do 15 ao 21 de xullo
- Quinta quenda: do 22 ao 28 de xullo
- Sexta quenda: do 29 de xullo ao 4 de agosto
- Sétima quenda: do 5 ao 11 de agosto
- Oitava quenda: do 12 ao 18 de agosto
- Novena quenda: do 19 ao 25 de agosto
- Décima quenda: do 26 de agosto ao 1 de setembro
- Undécima quenda: do 2 ao 8 de setembro

A data de realización da derradeira quenda queda condicionada á data de comezo do curso escolar 2018/2019. Ofértanse para este programa 2.200 prazas, distribuídas do seguinte xeito:

- 1.900 prazas que serán adxudicadas polo procedemento xeral.
- 300 prazas que serán adxudicadas polo procedemento específico: prazas de reserva para menores en situación ou risco de exclusión social, repartidas do seguinte xeito: 260 prazas de reserva para menores en situación ou risco de exclusión social dos concellos da provincia de Pontevedra, 25 prazas de reserva asignadas a menores do Centro Príncipe Felipe dependente da Deputación de Pontevedra, 15 prazas para menores en situación de tutela ou garda administrativa doutros centros da provincia de Pontevedra

## Prezo

O importe do pagamento final que deberá efectuar a persoa interesada é de 100 euros por praza, ou 80 euros por praza para menores de familias numerosas

Estes prezos inclúen todos os servizos do campamento, incluída a excursión ao exterior: aloxamento e manutención, todas as actividades do campamento, incluídas as que se fagan en inglés, seguro, excursións.

Co fin de acadar a igualdade de oportunidades a institución provincial subvencionará o 100 % do prezo da praza para promover a inclusión social das nenas e nenos da provincia de Pontevedra.

## Documentación:

- Solicitude na que se indicarán os datos da unidade familiar. Indicaranse os datos do neno ou nenos (irmáns/menores en acollemento) que queiran ir xuntos ó campamento, por orde de prioridade, da 1ª a 11ª quenda. Se os irmáns queren ir en quendas separadas deberase cubrir unha solicitude por neno.
- Folla de inscrición (1 por neno/a), na que se deben cubrir os datos do neno, xunto cos seus datos médicos (alerxias, enfermidades e outras, especificando as enfermidades infectocontaxiosas que os responsables do campamento deberán ter en conta á hora de tratar os menores.
- Fotocopia do DNI do pai/nai ou titor.
- Fotocopia do DNI do menor ou, no caso de que non o teña, do libro de familia.
- No caso de menores estranxeiros, copia compulsada do permiso legal de residencia
- Certificado ou volante de empadramento.
- Certificado de familia numerosa, no caso de acollerse ao desconto no prezo da praza)
- Se é o caso, certificado acreditativo do grao de discapacidade e copia do ditame médico facultativo emitido polo equipo de valoración e orientación (EVO) correspondente
- Certificado expedido pola Dirección do centro que acredite que durante o período 2016-2017 están en situación de internamento.
- Documentación que debe remitir ao Servizo de Inspección Médica (no caso de resultar beneficiaria ou beneficiario): Informe de saúde da ou do especialista que proceda, no que se indique a patoloxía, o tratamento farmacolóxico ou a terapia que precisa, e no que se faga constar que a súa condición médica lle permite asistir ao campamento.

## Documentación que se debe levar o primeiro día do campamento

- Fotografía tamaño carné
- Tarxeta sanitaria orixinal ou seguro médico privado

## Lugar de presentación:

No Rexistro xeral da Deputación, en calquera das súas oficinas de rexistro ou no Rexistro electrónico **sede.depo.es**, de conformidade co establecido no artigo 16 da Lei 39/2015, de 1 de outubro, do procedemento administrativo común das administracións públicas.

## Prazo de presentación:

20 días naturais contados a partir da publicación do extracto desta convocatoria no BOPPO.

---

[Imprimir](#)